



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. II. Concilium Rhemense.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

quæ antiqua ac Ecclesia toto orbe diffusa, & per omnes ætates transmissa, usque ad litterarum datam, hinc favorabiliter & benignè Tituli videntur esse interpretandi; & vitia, si quæ suspicantur, contemnenda, præfertim si quæ factus fuit Titulus primordialis, ætate, hâc pro vitiis non haberentur: de ceteris subsequentibus juxta primævum judicandum est.

TITULUS XX.

VARIA OPUSCULA Concilii TRIDENTINI Executionem, Publicationem, Apologiam, Interpretationem, Modum tractandi Doctrinam, Decretorum conciliationem, plurimumque de illis Dubiorum resolutionem contingentia.

P R A E F A T I O.

IN Notis Historicis circa Concilia Generalia, de TRIDENTINO non pauca observavimus, utpote necessaria, ad suscepitam illorum inter se comparationem absolvendam. Multo plura seorsim tractanda supersunt, quæ ad Capita, in TITULO comprehensa, reducuntur: hæc autem singula peculiari notatione dignissima illius Decreta Jus novissimum continent, quo non cognito, Jus anterior, vix explicari potest. Hinc enim discitur quod illi additum est; quæ in illo mutationes factæ sunt. Multa, præterea, contra Concilium Tridentinum dicta sunt, quæ, pro posse, diluere oportet. Extant nonnulla, quæ videntur contraria, vel obscura sunt; quæ, proinde, conciliatione, vel expositiore indigent; non ubique recepta, quæ statuit circa Disciplinam: circa quod notandæ NATIONES, quæ receptorint, quæ non receptorint; quoniam, & quandò receptæ fuerint, singulares Regulæ circa illius Interpretationem statutæ, innumeræque hinc ortæ Declarationes, circa quas plura discussienda fuerunt, propter Regiones in quibus illæ authoritatem habent. Extant apud FAGANUM plurima notanda circa has Declarationes, nec non quædam Axiomata Generalia circa idem Concilium, quæ seorsim colligere ac explicare necesse fuit. His de causis facta sunt, quæ eduntur, Opuscula.

SECTIO I.

CAPUT PRIMUM.

EXCEPTRA à CONCILIIS GALLIÆ Concilio TRIDENTINO posterioribus, circa Executionem Decretorum illius.

Post finem Concilii Tridentini, decem Concilia in Galliis habita fuere. Primum, RHEMENSE, ann. 1564. Secundum, ROTOMAGENSE, an. 1587. Tertium, RHEMENSE, an. 1583. Quartum BURDIGALENSE, eodem anno. Quintum, TURONENSE eodem anno. Sextum. BITURICENSE an. 1584. Septimum. AQUISEXTIENSE, an. 1585. Octavum, TOLOSANUM, an. 1590. Nonum NARBONENSE 1609. Decimum BURDIGALENSE an. 1624.

Dumque Tridentinum durabat, unum habitum fuit Narbone, an. 1551. 10. Decemb. post Sessionem XIV. Tridentini, quæ est 1551. 25. Novemb. & 4. sub JULIO III. coepit enim Narbonense hoc Concilium 10. Decemb. ejus anni, & absolutum est die

20. ejusdem Mensis, CONCIL. Tom. XV. p. 3. Porro: notabile est, quod, licet Concilium hoc Narbonense de multis egerit rebus, qua discussæ fuerunt in his XIV. Sessionibus ipsi anterioribus; nihil tamen dicat, unde inferri possit, quod harum Sessionum Decreta viderit, vel se ipsis conformare studuerit: quod ut comprobetur, Decreta de Fide Catholicæ, de Tonsurâ & Habitu Clericali, de Prædicatione Verbi Dei, de Prædicantibus adversis, & de Præbendâ Theologali, de Dimissoriis, de Sacramentis Penitentia & Eucharistia legantur. Patet ex citatis hujus Concilii Narbon. Canonibus, collatis cum Decretis correspondientibus laudatarum Sessionum; quod non præceperit Parochis, ut Gregi suo doctrinam illarum Sessionum exponat; sed jubet, ut eum erudiant juxta Articulos à Facultate Parisinâ, procurante FRANCISCO I. confectos, ut essent regula doctrinæ, donec Concilium Generale controversiam ejus temporis diremisset. Quamvis igitur Concilium hoc Narbonense magna parti Tridentini posterius sit, haud tamen ex illis est Conciliis, quorum Excerpta daturi sumus, circa Executionem Decretorum Concilii Tridentini.

De ceteris dicendum in genere, quod convenienter in dupli capite valde notabili. 1. Singula promiscue receptorunt omnia Decreta Tridentini circa Fidem; receptorunt, inquam, sine examine, seu discussione: ideò quod ipsi visa sine evidenter confona Traditioni Ecclesiarum fuarunt, à quâ recesserant Hæretici his Decretis damnati. Factum hoc probatur per Professionem fidei à quâ incipiunt, quæ est illa à Pto IV. proposita, Articulum expressum ad receptionem eorumdem Decretorum continens. Exciendum tamen est primum Concilium Rhemensis, quod inchoatum est tunc, cum hæc Professio fidei nondum in Gallias pervenerat, quippe quæ data fit Idibus Novembris 1564. CONC. Tom. XIV. p. 946. ac Concilium hoc auspiciatum est 25. ejusdem Mensis 1564. CONC. Tom. 15. pag. 53.

Sed quantum Concilia hæc unius labii sunt in receptione Decretorum circa Fidem, tantumdem, circa acceptationem, modumque acceptandi Decreta Disciplina, discrepant; nullum est enim, quod hæc universa receptorit, eorumque Executionem iussit: quod, profecto, oritur ex eo, quod illa omnibus Provinciis ex æquo non convenienter, vel, quæ necessaria, vel utilia erant alicui Provincia; alii inutilia erant.

Præterea, plura ex iis ita sunt recepta, ut nulla Concilii Tridentini mentio facta fuerit. Nonnulla recepta, quatenus ab hoc Concilio confecta, ipsiusque sub nomine: quæ in formâ aliud est discrimen inter Concilia Galliæ, nimirum, quod alia recipient multa Decreta hoc modo, alia vero, pauciora. Ratio est, quod Concilium Tridentinum in Regno publicatum non fuisset; immo Rex huic promulgationi intercederet: utendum erat temperamento pro variâ locorum, temporum & personarum qualitate; ideoque, alia plus, alia minus adhibuerunt, ut mox patet.

CAPUT II.

Concilium RHEMENSE.

Concilium 1. Rhemensis habitum fuit annis 14. priusquam Decretum contra Matrimonia Clandestina conversum fuisset in Legem Civilem, per Constitutionem Blesensem; ideoque, ab eo publicando abstinuit; sed Decretum fecit consimile, opportuno tempore promulgandum. Eodem modo se gessit quoad Decretum circa Nuptias coactas; quapropter, utrumque Decretum seponit cum hac Inscriptione; Decreta à Synodo quidem probata, sed nondum publicata. Eamdem ob caufam, nec non ob offenſam à Tridentinis Patribus Galliæ illatam, Synodus Rhemensis neque in his duobus Decretis, neque in ceteris ab eodem Concilio excerptis, facit mentionem Loci, in quo illa

illa desumpfit. Tot sunt ferè hujus rei exempla, quot Statuta hujus Synodi; nam pleraque è Concilio Tridentino derivata sunt, iisdemque, ut plurimū, verbis concepta; nec tamen illud laudatur. Hoc specialiter videtur in 4. ubi recipitur mutatio, quam fecit, quod Impedimentum Cognitionis Spiritualis; in 5. pertinente ad tempus, quo Nuptiae interdicuntur, atque ad earum preparationes; in 7. quod cursum quendam introducit in promotione ad Benefices. ficia Curata; in 9. pertinente ad qualitates prima Tonfuræ requisitas, & Privilegia Tonfuratorum; in 10. restituijubente munera Ordinum Minorum; in 11. approbante illos seorsim conferri cum aliquo interstitio; in 12. 13. 14. quæ jubent, ut Ordinandi alii cui Ecclesie addicantur, vel determinant Aetatem requisitam ad Sacros Ordines, vel statuunt Examen, sive Scrutinium, ad Ordines, Candidatis subeundum; in 15. & 16. jubentibus, ut Clerici promoti ad Ordines, eos exerceant antequam ad Superiora ascendant, utque Ordines gratis conferantur; in 17. docente, quemadmodum Clerici vivere, atque in omnibus se gerere debeant. Observatio circa curam, quæ Concilium 1. Rhemensē à laudando Concilio Tridentino abstinuit, dum ejus Decreta Disciplina defideret, confirmatur per Statutum 2. ubi de Fide, sanâque Doctrinâ agendo, jubet, eam in hujus Concilii Definitionibus hauriri, plurimamque ejus mentionem facit, quia, hoc in Capite, nullo temperamento opus erat, cum Gallia, quoad hoc, nihil in Concilio desiderare posset.

CAPUT III.

Concilium ROTHOMAGENSE.

Concilium hoc an. 1581. habitum, sèpè Tridentinum laudat, sèpiusque ejus non laudati Decreta describit, recipiendo Professionem Fidei PII IV. Tit. de Fide, unà recipit Decreta Concilii Tridentini circa Dogma, in Professione hac enumerata: vel indicata, cum expressa Conciliij ejus mentione.

Breviarium. **T**it. de Cultu Divino, laudat Decretum Concilii Tridentini de Reformatione Breviarii, jubetque, ut juxta hoc Decretum, & Constitutionem PII V. fiat.

Agendo de Sacramentis, præcipit Parochis, ut eorum effectus plebi exponant, juxta Doctrinam Catechismi Romani, qui ex Tridentini præcepto factus fuit. Eodem Titulo, loquendo de Baptismo, describit Statutum Tridentini Cap. 2. Sess. XXIV. de Reform. Matrim. circa Patrios, eorum qualitatem, numerum, Tabulas Baptismorum, & Cognitionem provenientem ex Officio Patrini in hoc Sacramento.

Missa. **T**it. de Sacrificio Missæ, describit id, quod Concilium Sacerdotibus præcipit; nimis, ut confiteantur ante Missam, si possint. Describit pariter interdictum ejusdem Concilii, ne Presbyter scandalosus finatur celebrare, neve in Domibus privatis, & extra loca benedicta celebretur.

Matrim. Pauca sunt in Decretis Concilii Tridentini circa Matrimonium, quæ Synodus Rothomagenfis non adoptaverit, sive illud laudando, sive non. Nam, postquam declaravit se optavisse, ut Decretum Concilii Tridentini circa Reformationem Matrimonii, promulgatum fuisset in Gallia, ut posset declarare nullum Matrimonium extra præsentiam Parochi, duorumque, aut trium Testium contractum, & sic perniciosis effectibus Matrimoniorum Clandestinorum obviare; jubet, ut Plebs de hujus peccati atrocitate moneatur, deque Decreto, quod Concilium Tridentinum illi operposuit, & de pena excommunicationis in fontes latâ; denique suspendit ipso facto Sacerdotem huic Matrimonio assistentem, in hoc imitando Tridentinum. Deinde, describit Statuta Concilii circa Banna, tempus prohibitum, celebrationem ab alio, quæ à proprio Parocho, libertatem Matrimonii, Matrimonium Gyrovagorum, Concubinatum extra vel intra Matrimonium.

Tom. I.

Decreta Concilii Tridentini circa qualitates Episcopatui requiras, informationem de vitâ & morib. promovendorum, tempus ac locum consecrationis eorum, Residentiam, obligationem annuntiandi Verbi Divini leguntur quoque ibidem Tit. de Episcop. & Capitul. Idem est de Statutis Tridentini circa Dignitarios & Canonicos, eorum Aetatem, Gradus, Promotionem ad Ordines, Residentiam, & similia.

Officia Ecclesiastica.

Summa Decretorum Concilii Tridentini circa Ordinationem, Visitationem, Celebrationem Synodi Diœcesanae, Electionem in ea faciendam Scrutorum, sive quoad Ordines, sive quoad Beneficia, inseritur Tit. de Episcopi Officio.

Varia Decreta Concilii Tridentini congregata sunt sub TITULO de Officio Curator. aliorum Presbyteror. ac Parœciar. Offic. Talia sunt 1. Decreta circa Residentiam Parochorum, eorum obligationem ad erendum Gregem suum, modum augendi redditum Parœciarum, quæ victum honestum praestare nequeunt: Concilium Tridentinum laudatur quoad Residentiam. 2. Decreta circa Tabulas Baptismi, & Matrimonii. 3. Decreta, quæ loquuntur de approbatione ad Prædicandum, & Confessiones audiendas, iis necessariâ, qui non obeunt illa munera ratione Beneficii sui, deque punitione Concionatorum, qui docent errores, vel scandalum sermonibus suis movent. 4. Decreta circa reductionem Misericordiarum aliarumve foundationum. 5. Decreta circa obligationem audiendi Sacrum & Prædicationes, sive Instrunctiones, in Parœciâ.

Pleraque Decreta de Regular. Sess. XXV. colligata sunt in Tit. de Monaster. Talia sunt ea, quæ respiciunt obligationem servandi Vota Religionis, maximè votum paupertatis; Noviciatum, seu Probationem, & Professionem; libertatem quoad utramque; clausuram, visitationem, translationem Monasteriorum fœminarum, quæ ruri sita sunt: hic plures laudatur Concilium Tridentinum. Sub Tit. de Jurisdictione Eccles. reperitur substantia Cap. 3. Sess. XXV. versantis circa usum Excommunicationis, & Monitoriorum. Ibi quoque decernitur Executio Decreti circa Seminaria, quæ fit deinde sub Tit. de Scholar. & Seminar. fundatione &c. nec semel Concilium Tridentinum laudatur.

CAPUT IV.
Concilium 2. RHEMENSE.

IN Epistolis Indictionis 2. Concilii Rhemensis an. 1583. legitur eam fieri consequenter ad Decretum Concilii Tridentini, circa celebrationem Conciliorum Provincialium.

In Præfatione Cardinalis GUISIACUS innuit, Statuta hujus 2. Synodi facta fuisse ad procurandam executionem Decretorum Tridentini necessariorum ad reformationem abusuum urgentium; dicendo, se, dum sperat quotidie, expectatque ampliorem publicationem Concilii Tridentini, providere interea restorationi Disciplinae, & ponenda regulæ morum tam Cleri, quam populi: nam verba hæc amplior publicatio, significant eum habuisse in animo aliquam, sed minus amplam facere. Hoc confirmatur per subsequentia excerpta ejusdem Synodi, in quibus Decreta Concilii Tridentini laudantur, vel describuntur.

Capite 1. Synodus omnia Decreta Concilii Tridentini circa Dogma, recipit unâ cum Professione Fidei Dogma. PII IV. qua illa numerat inter Ecclesia Definitiones credendas & profitandas. Cap. 2. de Cultu Divino, juxta Decretum de Invocat. Sess. XXV. dicitur, nullam Imaginem novam veneracioni Fidelium exponentiam esse, sine approbatione Episcopi, vel ejus Vicarii.

Tit. de Ordine, non semel laudatur Concilium Tridentinum 1. Jubendo, ut Ordines conferantur juxta Ordines. præscriptum ejus. 2. Vetando, ne Beneficium, quod Titulo Clericali deputatur, resignetur, sine hujus circumstantiæ mentione, sub pena nullitatis. 3. Monendo, ut, in Promotione ad Beneficia, observeatur Statutum Tridentinum Cap. 18. Sess. XXIV. circa con-

N 2

con-